



PAMFLET

481





Des Conincklike Mai.

W 8713 27

van Spaengnien. &c. alderghenadichste
verclaringhe vanden goeden wille en Vaderlycke
gheneghentheyt tot zyne Nederlantche Vassalen en Onderdanen/
ouerghegeuen aende Commissarisen der Keyserlycke Maist. op de
propositien vanden Staten den eersten Junij van den Jaere
dusent vijfhondert neghentseuentic tot Ceulen
dewelcke van eenen pegelycken en die ghe-
heele werelt seer hoochlycken is te
louen ende prysen.
(..)

Salut. v.

Yst dat ghy malsanderen bydt ende eet/so siet toe dat ghy
niet van malsanderen en wort verteret.



Eerst
Ghedrukt tot Ceulen opden Dorchmuer
By Godefroy van Kempen.
Muno 1579.

481
9

van Spaengien &c. alderghenachste
 verlaten en allen kint en overlede
 op den 17en dach van den maent
 april 1581 om 12 uren vanden
 middag overleden is den
 heer Jan van der Meer
 van der Meer
 (5.)

Ephel. 4.
 Stit neerstlich om die eenicheyt des gheests
 te houden door den bandt des vreden / een
 lichaem ende eenen Gheest / ghelijck ghy
 oock gheroepen sijdt tot een Hooppe uwer
 beroepinghe. Een Heere een gheloof ende
 eenen doop / eenen Godt ende Vader onser
 aller.



1581
 Gedrukt tot Leiden by
 Jan van der Meer
 Anno 1581

Hoochvveerdichste, Doorluchtighe

Worsten ende Edele Heeren des Rep:

serlycke Maieſteyts Commissarissen.



Ne dien die Hertoghe van Terra Noua Prince vā Castelueterano en Commissaris des Coninclycke Mai. gesien heeft het geschrift vande ghedeputeerde der Nederlandſche Staten hem ouerghegeuen/ wt vlieder alder beuel/ soo hout hy voor geheel te verghhefs ende onnoodich. In respecte des Co. Maist. wt oorsaken van allulcken schryuen metten ghedeputeerde vele te arguren ende disputeren/ oft het selue met een teghengheschrift/ straffelyck ende van onweerden te maken oft wederlegghen. Maer veele meer tselue te vermijden om te schouwen alle omwegghen van te lanckduerighe disputeringen/ ende alleenlycken aen te nemen / waer mede eenen vegheelycken sonder vertoeuen ende cennoudelycken voor d' ooghen gheselt mach worden die groote liefde ende vaderlycke toegenegentheyt/ waer toe zyne Co. Maist. als een naturelycke Wirst/ wt zyne eyghen aengeboren goetheyt seer ghenadelighen ghetrocken wort tot zyne Nederlandſche onderlaten/ dewelcke zyne Maieſt. ouer al ende gheheellycken wederomme ten hoochsten begheert te sien in hunnen ouden staet ende heerlycheyt. Als naturelycken in hunne Statuyten/ Rechten/ Gebruyken/ ghewoonten en oude priuilegien/ so wel aengaende het stuck der heyligher Religien ende zyne schuldige ghehoorsaemheyt/ als ooc der gherechticheyt/ en saken der policien ende besondere oock die weluaert der Coopmanshandel. Daeromme soo heeft den voornoemden Hertoghe goet ghedocht/ sonder eenich vertoeuen Inden name des hoochgenoemden Co. Maist. den volcke ende de Staten der Nederlanden mildelycken ende goetwillichlycken te presenteren ende ouer te gheuen die nauolghende Artickelen / In de welcke men gheheellycken siet begrepen te zyne alle het ghene welcke vande goedthertighe Onderdanen / ende de welcke anders niet en haccken dan naer hun eyghen weluaert en salicheyt/ niet eeren versocht ende begheert soude moghen worden/ Met Gods voorsienicheyt de selue moeten allen den geneynen volcke/ mitlgaders den Staten ter herten gaen inder vueghen dat sy die niet alleene met grooter vuerchden en betuyghen/ maer oock ghehoorsaemlyck aennemen van zyne Maieſt. als heuren naturelycken ende ouersten Prince/ en oock die coppe in Franchoyse spraeche ouer ghegheuen houden voor het Originael.

I. Inden eerſten/ op dat inde herten der Onderlaten gheenderley oorsaken

Al. g.

saken

laken en bliuen van eenich onghelouwe oft mistrouwen/maer dat alle twiſſelachticheyt die daer nu ter tijt by hun soude moghen wesen / oft noch naemaels toe comen vanden gronde totten Woortelz wigheroeyt ende wech ghenomen worde. So is zijne **M.** te vieden dat ten beyden zijden sullen wesen vergheten alle saecken die daer vanden aenuanc deser beroerten en weerringen gheschiet zijn ende dat de selue gheheelen sullen zijn vergheten ende begrauen ghelijck of die noyt en waren gheueert.

ij. Verbiედende daeromme ernstlijcken/ niet alleene alle ghemeyne Procureurs ende Officialen/ maer oock alle andere personen/ so wel ghemeyne als besondere/ van wat condittien ende ghelegghentheyt die oock zijni moghen dat sy van nu voortaeue van wegghen der voorgaender stucken ofte saecken gheenen menschen en beswaren het zy inwendich oft wtwendich den gherechte metten woorden oft oock anderen manieren van toome/ maer hier teghens met neersichheyt daer ouer en aene te zijn/ daermede zy onder malcanderen vriedelijcken ende broederlijcken leuen ende alle eenicheyt onderhouden. Ende dat op strafften eremple/ waermede men die ouertreceders des ghemeyne rustes en die vriedebrekers te straffen plach.

ij. Daer na verheyt ende ghelooft die Con. **M.** ailesteyt ernstlijcken alle zijne Vassalen ende Onderdanen van nu voortaeue te onderhoude ende handthaben / Iac oock (by so verre het also noodich zy) vā nieuws te becreftighen ende beuestighen alle ende peghelijcken Rechten/ ghebruycken/ ghewoonheden ende Wyheden van allen landen Steden/ Merckten/ Ghemeynten ende andere priuate/ so wel int Generael als int besondere. Inder vueghen zy de selue ghebruyckt hebben ende gebruykten ten tijde doen zijne **M.** ailesteyt inde selue landen ende Prouintien gheluldt is gheworden ende aldoen ghelooft ende gheswooren heeft te houdene / ende by soo verre middeler tijdt de selue Pruillegien hadden gheleeden eenighen aenstoetir oft verminderinghe ende selue blecke/ soo is zijne **M.** ailesteyt bereydt de selue wederomme te vernieuwen ende te stellen in hunnen ouden staet ende wesen.

liij. Ende hoerwel zijne Conincklijcke **M.** ailesteyt in voordeeden tijde wt oorlaecken vande aldoen toeghecomene beroerten ghenootsacckt is gheweest/ vershepden ende vreemde Crischnieden tot behoudinghe van zijne Conincklijcke authoriteyt inde Nederlanden te veughen/ ende nu wt vaderlijcke ghenegghentheyt aenmerckte die groote beswaringhen Onderdanen daer door toeghecomen/ Soo wilt zijne **M.** ailesteyt niet lieuer doen/ dan (nae dien daer weghecondicht sal wesen een ghemeyne

meyne vrede) alle en yegelycke vreemde Soldaten / Spaengnaerde / Italianen / hoochduysche / Bourgoungsche / Walen / Enghele / Schotten / ende voorts alle andere Atlantische / wt orsaken van desen beroerten ten beyden syden vergaert / ernstelijcken te beuelen ende ghebieden / sonder eenich langher verreck te recken wt allen den Prouincien der Nederlanden. Ende sullen in hunne plaetse inden Steden / Casteelen ende Fortreken alwaermen vanden tijden besettinghen ghehouden heeft / ghestelt worden naturelijcke Soldaten deswelcke met eenen besonderen Eedt / so hier onder verclaert sal worden verbonden sullen wesen.

v. Hengaende dandere Inlantche Soldaten / de selue sal zijne Maesteyt tot volcommen verlichtinghe ende ontlastinghe van alle bedructe Enderdanen / gheheelijcken beuelen (soo gheringhe die voorschreuen vercondinge gheschiet sal zyn) dat allen Crichs volck te water ende te lande afghedanck is ende de selue verlaten zyn / alleene ghelijck bouen is ende de selue verlaten zyn / alleene ghelijck bouen ghesegt is ghereferuwert Crichslieden stellende inde ordinairse besettinghen.

vi. Als nu den vrede becreftich is / ende door het wechnemen vande vreemde Crichslieden afghenomen sullen wesen alle orsaken der wapenen / te verhoppen ware dat alle dinghen wederomme tot ruste ende vryheyt gheraecten mochte / ende daermede een yegelijck hem den vrede des te meer vertrouwe ende den seluen ghenieten mochte / wort beuonden den ghemeynen nutte alderbest te wesen / dat hem het ghemeyne volck sonder eenich vertreck wederomme begeue tot hunne handwercken Coopmanschappen ende handelinghe des vrede daer mede hy hunne Vrouwen ende Kinderen / bequamelijcken ende eerlijcken op onthouden ende gheneeren moghen / ende daer mede die aenghenome ooraken ende besondere oock alle ghebreeke ende wederwerticheyt (die daer wt orsaken des Crichs handel te volghen plaghen) verhuert mochten worden / Sal zijne Maesteyt op allen plaetsen ende Steden beuelen die wapenene neder ende af te legghene / soo wel ten lande als inde Steden / by ghene dewelcke daer ten tijde van pepse de selue niet en plaghen te ghebruycken / in alder manieren ende vueghen ghelijck voortijs gheschiet is / so wel voor deerste als nu oock voor de leste beroerten.

vii. Voorts op dat te meer ooghenlijckelijcke ende vlijtigher zijne Maesteyt warachtighe vaderlijcke liefde ende geneghenheyt / die zijne Maesteyt tot zijne volcke draecht die ghehele wyde werelt openbaer worde ende inde licht comme / Naer dien het Volck oock daz vercl.

veelderhande Tollen/ Imposten/ lasten ende schattingen schier by na
geheel bedoruen ende wegghemerghelt schijnen te zyne inder vueren
dat sy van nu voordane geen meerdere lasten en sullen conuen ver-
diaghen. So is zyne Mai. ghenadighe wille op dat zyne onderla-
ten wederomme tot hem seluen comen/ dat alle schattinghen/ Impo-
sten ende alle andere ghewoonlijcke Tollen ende beswaernissen die
van wegen die Iegenwoordige veruerten opgheselt zyn / geheelijc-
ken afghedaen ende wech ghenomen sullen worden. Nochtans niet
sulcker meyninghen/ indien beuonden wert datter eenige vande sel-
ue van noode waren/ alnoch te houdene ten ghemeynen profijte ende
dat zyne Mai. daeraf vanden Staten werde ghegheuen ghenoech-
saem bewijs / sal zyne Mai. hem daer toe verstaen/ om t'acorderen
met den Raede ende begherte vanden Staten.

viij. Oock so sal die vryheyt des Coopmans handel wederom in-
traeyn ghebrocht worden ende ghehouden den vry passagie op allen
plaetsen door Steden/ Dorpen/ schiphauen ende ouer Brugghen der
seluer Prouintien te lande en te water door vloeden en stromen/ ghe-
lijc voor desen troubel plach te gheschieden. Oock sullen die nieuwe
tollen en beswaernissen die sonder zyne Mai. wete en auctoriteyt
dese beroerten opgheselt zyn sonder vertreck afgeselt worden.

ix. En alsomen wel meynit/ te handelen datter een goede vasse en
schere vrede getracteert en ghesooten sal worden / maer also den sel-
uen niet ghehouden en can ghewesen ten sy dat hy is gefundeert op-
rechtelijcken en behoorlijcken. Op dat zyne Mai. niet achter en late
eenighe oorsaken oft redenen van clachten ende veranderingen tus-
schen zyne Mai. skeyts Onderlaten. So is zyne Mai. ghenecht al-
se ende peggelijcke onderlaten op wat zyden de selue oock tot noch
toe hun hebben ghehouden / niet ghelijcker mildicheyt en ionste ge-
nadichlijcken aen te nemene. Ende oock op dat het eerste Artickel
van aller ghemeyner verghereenheyt van alle ouerredinghen (waer
inne het fundament van eenen vassen vrede is ghelegen) zyne wer-
kinghe en effect moghen sorteren/ so vercleert en wilt zyne Mai. dat
alle Gheestelijcke ende wereltlijcke personen alle hunne goeden ruc-
rende ende onruerende / Tijtlen / schulden en Actien/ rustelijcken/
en vriedelijcken wederomme sullen becommen/ en de selue terstondt
wederomme sonder eenighe molestatie ghebruycken en ghenieten/
namentlijcken in alsulcken staet en wesen gelijckmen de selue nu ter
tijt sal beuinden/ sonder eenich bedroch oft arghelist/ niet teghenstaen-
de eenighe ontueremdinghe oft alienatie die daer teghens ghedaen
soude moghen wesen. En selue soo wel in Bourgongien/ Luxem-
bourg/ Hollant ende Zeelant/ als oock in allen anderen Prouintien
ende

ende plaetsen / so wel in respecte der **Scheestelijckheyt** als oock van den Prince van Orangien ende alle andere / niet teghenstaende dat die twee vande voorschreuen Prouintien / namentlycken **Bourgoignien** ende **Luxembourch** / exempt ende niet begrepen en zyn inde handelinghe van desen tractate.

x. Van ghelijcken oock op dat aengaende den voorschreuen oorsaken hem niemant en beclaghe / ende oock dat hy niet en meyne wtghesloten te zyne inde toebehoorende vertroostinghen / soo is zijne **Mate.** sin ende wille / Dat een veghelick vanden **Ordanen** ten beyden zyden in zijne eere / neerderheyt / beneficien / regeringhen / dienstē en officien in aller manieren wederomme vernicut ende ingheseldt sal worden. In ghelijcker vueghen ghelijck hy is gheroeck vanden tijt van deser beroerten. Allenlijcken wtghenomen de ghene die daer ouertuycht sullen worden teghens **Recht** / **Wijheyt** / ende **Priviliegen** des **Vaderlants** met eenighe dienstē en officien versien te zyn gheroeck / met restrictie dat alsulcke gherestitueerde ende wederomme ingheseldt ghehouden sullen wesen te doene den **Eedt** van dese veghenwoordighe tonderhouden / ghelijck oock van gelicken schuldich sullen wesen te doene die andere dewelcke tot nicuwe **Officien** aenghenomen sullen worden / **Wederroepende** afstellende ende makende van onweerden alle tghene welck ten beyden zyden daer teghens ghedaen bekend ende bewesen mochte wesen.

xi. Ende alsoo zijne **Majesteijt** gheheel nootelijcken beuinde te zyne dat in dese saecke tot meerdere assemmantie ende verskerthepde der **Onderlaten** / Dat alle diensten ende ghemeyne **Officien** bediet worden door naturele / sal ernstlijcken versien ende acht ghenomen worden / op dat niemant van nu voordane toeghelaten en sal worden tot regeeringhe der Prouintien / **Steden** / **Casteelen** ende **Stercchten** noch oock niet tot **Hopliden** oft **Crijch** beuelhebbers / oft tot den Raedt van **Staten** oft **Secreten Raede** / of andere **Officien** / dan allelijcke **Naturele** des **Vaderlands** / dewelcke ooc schuldich sullen wesen dese **Articulen** te sweeren / met gheloofte de selue vast ende van weerden te houdene / op pene van meynedicheyt / want in dit **Articikel** alleene schijnt te wesen die principale verskerhinghe vande begonste **Vrede** / ende niet dat alleene / maer oock die ruste vande **Vrede** ende het behaghen van eenen veghelicken / inder vueghen dat dien aengaende vanden **Staten** niet meer en soude connen versocht oft begheert worden.

xii. **Werenbouen** soo sullen alle gheuangen ten beyden zyden de welcke wt oorsaken van dese groote beroerten ende onernicheyt
notij

noegterthe gheuangghen zyn terfcondt ende sonder eenich vertreck/
sonder eenich ghelt oft ranfocn los en vuy gelaten worden ten ware
dat voor Datum van desen anders dien aengaende waer gheacco-
deert gheclooft oft toegheleet.

xij. Soo vele als aengaet den Graue van Gueren / nae dien zijne
Maist. voorighenomen heeft hem allen Onderlaten int ghemeyne
Waderlijcken en alderghenadichlijcken te presenteren. Soo is zijne
Maist. te vreden en gheneycht den seluen Graue (hoe wel nochtans
daer zyn andere besondere tractaten ter contrarien) niet weynigher
so haest eenichsins moghelijc is in zijne oude Wytheyt ende Wader-
lant te restituere / Welck is zijne Co. Maisteyts besondere mildic-
heyt en ghenade / ende bouen allen desen den seluen ouer te gheue
die regeringe der Prouintien van Hollandt en Zeelant mitsgaders
doch vander Stadt ende landen van Utrecht.

xiii. En voor so vele als aengaet den Mandementen en Ordinan-
tien de welcke daer door den Ertshertoge Mathias en den Staten
vanden tijde af der lester beroerten onder zijne Maiestes name we-
ghegaen zyn / niet teghenstaende dat de selue ooghschynlijcken door
faulke van behoorlijcke authoriteyt crachteloos oft van omweerden
zyn / So is nochtans zijne Maist. te vreden dat de selue oprecht ende
van weerden ghehouden sullen worden en hem behoorlijck effect soe-
terren / Te wetene voor so vele aengaet den Beneficien / digniteyten /
Offitien ende ander dinghen de welcke inde macht ordentlijcke dis-
positie ende versienighe staen / de welcke voorighestelt zyn der rege-
ringhen / Maer niet in saecken aengaende de welcke ghereserueert
en voorbehouden zyn den eyghenen person van zijne Conincklijcke
Maisteyt. Op so verre daer eenighe van dien teghens den Kerchte
Priuilegien en Wypheden des Waderlants so wel int gemeyn als int
besondere eenichsins tot eenighen nadeele en schade gheschiet wa-
ren.

xv. Van ghelijcken doch ofter eenighe Guericheyt van allen Ste-
den oft plaetsen oft amptlieden van hun beuel ende Offitie / van we-
ghen ander aensichtinghe der Priuilegien ende rechten doch ordent-
lijcke ghebruyck ende maniere der Steden ende plaetsen ter contra-
rien van dien afghestelt waren. So sullen de selue sonder vertreck
oft langher ophouden wederomme daerinne ghestelt ende in hunne
eere ende digniteyten vernieut worden. En inde selue verkiefinghe
der seluer sal in toecomenden tijden gheobserueert worden ghelijck
van ouden tijden naer de rechten manieren ende Priuilegien van
eens peghelijck landt doch vander Stadt ende plaetse / waermede
gheen.

gheensins en sal gheschieden datter bedroeft oft veronghelycht worde.

xiij. Nu soo vele als aengaet der Religien dewelcke alle Christolijche Vorsten hun ten alderhoochsten ende naemsten moeten houden voor bevolen/ en en zijne Maesteyt de selue gheensins laten ouertreden/ Maer vele meer dien aengaende volghende die verclappen vande Catholijcke Coninghen zijne Maesteyts lieue Voorouders/ begheert ende beueelt in alle zijne Patrimoniale Prouintien ende landen ghehouden ende bewaert te wordene die Catholijcke Apostolijcke Godlike Religie/ de welcke inden seluen landen niet alleene van oude tijde tot noch toe aenghenomen is gheweest/ maer oock onder de selue in groote gheslucksalicheyt ende prosperiteyt gheromen zyn. So oock kennelijck ende warachrich dat zijne Maesteyt inder seluer Religien/ ghelijck alle andere zijne Voorvaders inde selue Prouintien ende landen voor hunne ouersten ende naturelijcken Vorst ghehulde ende by eede aenghenomen is. Ende als die voorschreuen Religie van nu voortane (alle andere wtghesloten) vry vriedelijck ende onuerhindert in alle plaetsen der Nederlanden gheleert ende ghehouden worden/ Ghelijck die Staten aen zijne Maesteyt soo wel voor als naer dese beroerten in vele buten hebben toegheseght te doene ende beuorderen/ ende noch onlanck ghescreuen aende Keyserlijcke Maesteyt. Dat zy in dier vueghen niet sonder swaren last ende schande/ Zae oock niet sonder vernedringhe van alle policien ende borgherlijck wesen/ hun in sulcken ghewichtigen saecken eenichsins sullen contrarien ende teghengaeu hunne eyghene gheschiften ende ghelooften.

xvij. Niet te min by soo verre eenighe vanden Onderlaten oft Inwoonders/ wt oorsaken (oorsaken) van allulcken differentie inder Religien oft door andere dierghelijcke oft differente oorsaken/ teenigen tijde wten lande vertrecken wilde. Sal zijne Maesteyt eenen peghelijcken consenteren selue te doene binnen vier naestcomende Jaeren/ by soo verre zy hun binnen middelen tijde ernstlijcken houden sonder eenighe erghenisse oft oproer/ in welcken gheualle zy oock alle hunne goeden ruerende ende onruerende oock hunne gherechten ende Actien sullen ghenieten ende ghebruycken. Oock de selue ter plaetsen daert hi ghelieuen sal moghen verbueren vercoopen/ ende dragen alles na hunder gheliefte/ Zae dat noch meer is so verre zy hunne goeden lieuer willen behouden ende euenwel op andere plaetsen willen gaen woonen en vertrecken/ sal hen toeghelaten worden/ ouer de selue inden landen te stellen Catholijcke Facteurs ende Rentmeesters wie de selue oock wesen moghen/ Ende daer naer soo dickmaels alst hen ghelieuen sal wederomme in ende tot die Prouintien ende landen te comen ende hunne goeden wederomme seluer te bedienen/ sal eenen pelijcken het selue by goeden trouwe ende ghelooue toeghelaten worden so gheringhe als sy den Pastoren/ Officieren/ ende Magistraten der plaetsen daer zy liden

den in meddinghen zyn wederomme te commene aenghegheuen sullen
hebbē hunne voorgaende meyninge / **M**its hen aldaer houdende en le-
uende / ghelyc goede Catholijcke personen schuldich zyn te doene. **N**at
welcke Conincklycke mildicheyt ende toelatinghe eenen peghelijcken
kennelijck wort / dat zijne **M**aiestept niet als een Griffioen oft Confisca-
teur en beggeert oft en soeckt daftrechtinghe ende ondancck vanden goe-
den zijnder **O**nderlaten vele min dat zijne **M**aiestepts meyninge noyt
so gheueelt de selue volghende die vergaende **M**andamenten groote-
lijcken te straffen / **M**aer vele meer ghesint ende van meyninghen is
de selue **M**andamenten ende **P**laccaten met **R**ade van **S**taten ghe-
burelijcker wijs te reuoceren ende casseren.

vij **A**engaende die **R**eputatie aucthoriteyt en gehoorzaamheyt van
zijne **M**aiestept die **O**nderdanen naer allen godliken ende mensche-
lijcken Rechten / als hunnen warachtighen ouersten **W**orst oft **H**eer
schuldich zyn / sullen de selue wederomme vernieuwt ende ghehouden
worden in alder manieren ghelyck dat naer recht ende redene behoort /
ende hier voortijts wel onderhouden is gheweest / **A**ls namentlijcken
dat die gherechticheyt wel ende recht worde gheadministreert ende die
Onderlaten in billicheyt ruste ende gehoorzaamheyt gheregeert / ende
dat in alder manieren / ghelyck ten tijden van onder gedachtenissen des
in **S**odt verstoruen **K**epers **C**aroli **Q**uinti ende zijne voorouder oock
van zijne **M**aiestept totten aenghanch van deser beroerten is gheschiet /
Sonder welke vernieuwinghe en restitutie der aucthoriteyt is geheel
onmoghelijcken het volck in eenicheyt oprechticheyt gherechtichicheyt
rust ende vrede te hanthouden ende onderhouden.

xix. **N**o resteerter te ordineren vande ghemeyne regeringhe der voor-
schreuen **P**rouintien / **E**nde sal zijne **M**aiestept kiezen eenen **P**rince oft
Princessen van zijne **M**aiestepts bloede de welcke van alle dinghen sal
hebben goede kennisse ende alsulcke gauen als tot sulcker hoochweerdig-
gher regeringhe van noode is / ende daarmede die **O**nderlaten wel te
vreden sullen zyn / ende sal regeren in alder rechtuerdich ende behoor-
lijckheyt besondere oock naer ghebruyck rechten ghewoonheyden ende
Priuilegien der voorschreuen **P**rouintien / daer oock begrepen sal zyn
het **E**dict van dese ieghetwordige vereringhe ende vreden maekinghe
de selue oock van ghelijcken te ghelouen ende te besweeren.

xx. **W**olts soo sal de macht van alsulcken **S**ouuerneur vande **V**ande
sonder eenich dilaey volcommelijcken ende gheheelijckē toeghestelt ende
ouerghelouert worden / **A**lle ende **S**egghelijcke **S**teden sterckē en plaetse
de welcke daer vander eender oft der ander zyn den het zy door wat tijtel
oft voornemen de selue ingehouden worden / mitgaders die patrimo-
niale goeden zijne **M**at. toebehoorende / **O**ock alle ghelchut artillerie
prouanden wapenen ende schepen / op dat hy daarmede mach doen en
laeten

laten ghelijck hi dat ten dienste welvaert ende bescherminghe van zijner
der Maieſteyt ende den landen sal bevinden bequasim van noode en-
de dienſtelijcken te zijne ende ghelijck dat behoort te gheſchieden ende
voor deſe ieghenwoordighe beroeren gheſchiet is.

xxi. Vergunt oock zijne Maieſteyt en dat wt enckle ghenade ende tot
verorderinghe van deſe vereringhe dat all eghene welck tot nu toe vā
zijne Maie. patrūoniale goeden en ſchatten byden volcke is ghenome
ende verſammelt/ dat al ſelue alſo voor ontfangen en verſammelt ſal bli-
uen/ ſonder eenighe menſchen dien aengaende te veruolgen / moleſtere
oft trauaileren/ behondelijcken/ nochtans dat van nu voordane alſulcke
beſwaerniſſen ende verſamelinghen niet meer en ſullen gheſchieden.

xxij. Aengaende het Tractaet van Ghendr ende der generale Staten
daer op gevolchde Wile ende ewich Edict/ ſullen alle en iegelijcke dar-
tikelen der ſeluer/ de welcke beuonden worden deſen ieghenwoordigen
tractate niet te contrarieren in hunnen weſen gheheelen en vaſt gehou-
den worden.

xxij. Behondelijcken nochtans dat die Staten ſonder eenich diſlay af-
ſtant ſullen doen en renouncieren van alle andere verbinteniſſen han-
delinghen en ghelooften/ dewelcke wt orſaken der voorſchreuen beroer-
ten ſo wel binnen als buyten den landen ghemaect zijn/ En ſullen oock
in dit tractaet begrepen zijn die Coninghinne van Enghelant ende den
Hertoghe van Alençon.

xxij. En na dien zijne Maieſt. in alder manieren dit ieghenwoordich
tractaet ewichlijcken begheert te bliue van weerden is zijne Maie. ſon-
der eenich twiſfel hoochelijcken aenghenacm/ dat zijne Paufelijcke hey-
licheyt als een hooft vander alder ghemeynder kercken/ ende zijne Kei-
ſerlijcke Maie. mitſgaders den anderen Vorſten ghedeputeert welende
om deſe ieghenwoordighe viede te tracteren/ wilendelijck verſocht wor-
den hun te ſtellen als middelaers tuſſchen beyde den partien/ ende ge-
louen/ dat alle ende ieghelijcke dattikelen in deſen tractate begrepen op-
rechtelijcken in goeder trouwen ende ſonder eenighe contradicte ver-
vult ende gheheelijcken volbrocht ſullen worden.

xxv. Ten leſten op dat het niet en ſchynne datter eenighe faulte is ghe-
weest aen zijne Maie. van weghen die ghenoechſame berceſtigne en ver-
ſekeringhe van allen den laecken bouen gheruert/ ſoo preſenteert zijne
Maieſt. bereet te zijne alle ende peghelijcke den voorſchreuen punten
niet alleene met Conincklijcken woorde maer oock met eenen Solemni
Juramento oft eedt te beueſtighen en berceſtighen/ en daer op te erpe-
dieren opene brieuen ſo wel met onderschrijvinghe van zijne Maieſts
name als oock met opdruckinghe zijns Conincklijcken ſeghele/ by ſorme
ende maniere van ewigen ende onwederroepelicken Edicte in Fran-
choyſer en Duytſcher Talen/ en alſo op als te verſekeren een volcomen
ontwepelijck gheloue. Ende na dien alſulcke brieuen zijn gherpedieert
ſullen de ſelue terſtont door beuel van zijne Maie. worden gepubliceert
ende

ende daer na ghelegt by de ghemeyne Acten so wel vanden hooghen als
vanden Prouincialen vaden ghelycken ghewoonlycken is te doene/ en
den nacomelinghen achterghelaten worden voor een ewich Statuut.
xxvii. Van ghelucken hier teghens/ so sullen die Staten ghelamenc-
lyck oft elck besondere ghelouen ende sweeren/ dat sy in hantne landen
oft Prouintien by alle Ouericheyt vanden Steden ende Ghemeenten
vande gheheele Nederlanden / onuerbickelijcken sullen achteruolghen
ende onderhouden alle ende peghelycke den voorlich punten niet be-
creftinghe des Solemnis Juramenti oft eedts ghelyck sy lieden wt ghe-
ghetrouwicheyt ende ghehoorsaemheyt zyne Maesteyt schuldich syn.
xxviii. Nu dan alle de voorschreue artickelen so gheheel oueruloe-
dich rechtelyck en willich sijn/ Soo is gheheerlijcken zyne Maie-
meyninghe dat de selue niet alleene van v lieden hoochwoerdichste
doorlychtichste Vorsten ende Heeren Keiserlycke Commissarissen
maer oock vande gheheele werelt hoochlijcken sullen ghelooft en
ghepresen/ en gheestimeert so wel voor de Staten als oock voor de
Onderlaten prijselijck te zyne/ Ende daeromme in gheender ma-
nieren toelaten/ dat de selue soo ryckelijcke nuteelijcke en ghenadi-
ghe Co. Maest. aenberdinge oft presentatie in al oft in deele zyne
Maesteyt oft zynen nacomelinghen ontualen sullen. Besondere
terwyl den de selue comen niet min wt een ghenadich en goetherich
ghemoet/ als oock wt een vaderlycke liefde de welcke syne Maie-
diaecht tot syne Nederlandische Onderlaten van welcke syne Maie-
niet ghemeyne maer heerlycke dienste in voorgaenden tijde heeft
ontfanghen/ ende daeromme oock gheenslins en twyfelt/ oft
de tijden sullen wederomme comen/ inde welcke syne
Maesteyt mitsgaders syne nacomelinghen
wederomme die ghelijcke sullen verwach-
ten ende verhoopen/ Actum tot Co-
len den eersten inden Jare.

M. D. lxxx.

F. J. A. S.



